

آدرهس :

IDJTihad

Constantinople

دوردنچی سنه

اجتهاد

آدرهس :

اجتهاد ادارهخانهسی :

دارالمعلمین قارشینده دائره

مخصوصه در .

سنه لك آبونهدلی ۴۰ غروش، نسخه سی
۵۵ یاره در .

پنجشنبه کونلری نشر ایدیلیر اقتصاددی ، اجتماعی ، ادبی مجموعه

و وطنداشم برگون بکا ، (ترکار آراسنده حقایق جلال نوری بك قدر آجیق برلسان عزم و جلادتله اعلان ایتمش بر آدم کورلما مشدر) دیدی . دوستم بو حصر و تخصیصده احتمال که افراطدن تجرید حکم ایده میور . فقط برانقلاب اساسینک وجوب حصولی اعلان ایدنلر میاننده جلال نوری بك الك ایلریه واراندردندر .

ادراك عثمانینك اعظم اولیای نعمتدن اولان نامق كمال بك مرحوم بیله او قدر ترقیپرستلكنه رغماً آره صیره - اكر تعبیر جائز ایسه - (قونفوجیوس) لشرك اجداد - مزك مفاخر موهومه سنی بلاغت قاهره سنك سایه محشمه آلمش و بوضورتله غرور ملی به ابدال نوازش ایتمشدی . ماضی بی دائماً اخطار و تخطر ایتك مفید و لازمدر . فقط حال و مستقبلك واجبات اجتماعیه سنی احوال و مقتضیات گذشته به ارجاع و توفیق ایتك چالش مق فائده دن زیاده ضرر تولید ایدر . صاقنمق الزمدر .

اجداد مزك مفاخرینه (موهوم) دیدم . اوت ، او هم موهوم ، هم مشؤمدر . استانبولك فتحنی متعاقب فاتح جانبندن اتحاد اولنان مسلك ، بوكون آطه لرده ، ماكدونیاده ، یانیسه ده یوز بیکارجه دینداش قانك دوکولسنه سبب اولیور . سلطان محمد ثانی ، بیزانس دولتلك مبنای حشمتی بیقرارکن انقاضدن کندی دولتی علیه ده آماده صولت بر استحکام وجوده کتیردی که آدینه مملکت مزده ولسان مزده (فنار) دیرلر . بیلیرم ، برچوق عرق و وطن قاردر شلم بو سوزمه کوجنه جکدر . فقط بن سوزی جلال نوری بك حقایق تشریح و توثیق ایتکده بی امان اولان اومتین قلمنه ترك ایدیورم . بر بحق آی اول وفات ایدن روم بطریق اوچنچی یواکیم افسندی به عائد بر ماجرای حاکی اولان مبحث - که (مقدرات تاریخیه) نك ۱۳۵ نجی صحیفه سندن ۱۴۱ نجی به قدر آتی صحیفه لك بر قسمی املا ایدر - بو ادعانك حجت ابطال ناپذیریدر . جلال نوری بو وادیده برچوق طوغری و جانلی سوزلر سوبلدکن صوکره :

بیر قاچ کونه قادر موقع انتشاره قونولاجاق اولان مقدرات تاریخیه

عنوانلی کتاب مهم حقنده بیر مطالعه :

معزز وطنك الك رقیق اقسامی الك زنده و طنداشلرك دمء حماسیتله رایت عثمانینك رنكنه بویانیرکن جلال نوری بك بزه کتاب شكننده بررهبر ، بر مرشد و بر امید هدیه ایتدی .

(مقدرات تاریخیه) عنوانیله ادراك امته خطاب و خطابت ایدن بو اوچ یوز صحیفه هر کسك و خصوصیه هر عثمانینك و تركك بیلمسی فرض اولان حقایقه مالی در . بزم بك فنا بر عادت مز وار : جهل و غرور مزه تبصصکار اولیان حقیقتلره در حال اعلان خصومت ایدرز . بزجه محبت ملیه نك الك مشروع و یکانه شکلی ستر قصور و ستر معایبدر . جلال نوری بكك خامه فیاضی ایسه بو عادت قارشیسنده برلوی قیام کی یوکسیور .

کیسه انکار ایدمهز که جلال نوری بکده وطن محبتی و ملیت حسی هر کسدن زیاده در . چونکه بو وطن و ملت ایچنده کندی کی بر ذکای مسنتی و بر عرفان بی پایان ایله تشکل و تمیز ایتش آدملره بك آز تصادف اولنور . او قدر آز که جلال نوری به (اندر نوادر) دینسه سزادر . ایشته او قدر سودیکی ملتلك فلاکتنه ترجان اولورکن قلمنك رشحات محبتده تأثرات وجدانیه سنك قطرات زهری آچیقدن آچیغه حس اولنور . جلال نوری بك بو اثرنده کوزلری یاشله طولو بر ناحسدر . مرد و متین سسنده بر وجدان مجروحك اهتزازات کریانی طوبولور .

تغلب قدمله احراز قدسیت ایتمش اولان عادات و عنعنات سقیمه نك مضرات حالیه و آتیه سنی (مقدرات تاریخیه) مؤلفی قدر هیچ بر عثمانلی وضوح و جلادتله تشریح ایتما مشدر . بوندن اول نشر ایتسیدی (تاریخ تندیات عثمانیه) ده ده بویه اولمشدی . شرق و غربك حرکات فکریه سنی مدققانه تعقیب ایدن غیر برمسل بر دوست

(بن سلطان محمد ثانی به فاتح عنوانی چوق کورورم .
فی الواقع بوبادشاه استانبوله کیردی ایسه ده آتی بتون بتون
تملك ایتدی . فنار محله سی عثمانلی امپراطور لغندن خار جدر .)
دیور . لله در القائل !

•
•

جلال نوری بك اثرینی منشأ فیاض فیضی اولان
مكتب حقوقك طلبه سینه اتحاف ایدیور . بن بوتخفه ده
برحالت حسیه دن زیاده دماغی بر وظیفه ارشادك نشانه سنی
کورمکده یم . (مقدرات تاریخیه) مؤلفی بو وسیله ومد او مین
حقوق واسطه سی ایله مملکتك ارباب شبابه (هرامید نجات
وترقی سزده در !) دیور .

جلال نوری بکی تبریک و تحیل ایدرم .

شیشلی ، ۳۱ کانون ثانی ۱۹۱۳

سلیمان نظیف



عثمانلی اضمه حلاله ك حکمتی

« ره ربو اوفورم یوز » آدلی انکلیز رساله « موقوته سندن

[ترجمه]

دولت عثمانیه ایله شخصاً تماس ایدله همان التمش سینه
اولیور ؛ فقط معارفه ادبیه اعتباریله مملکتی دها اسکین
بیلیم .

او زمانلر بوغاز ایچنده برترک عالمی ، غربك انوار
حیرت و تقدیراتی ایچنده شعشه پاش اوایوردی . خلقك
جلیلیکی ، مهمانوازانلی و نزاکتی کوکلره اوچورولمقده ،
انواع بهتانه اوغرایان اسلامك ابراز ایلدیکی مساعفه کارانه
اظهار حیرت ایدلمکده و خصوصیه شجاعتی صبر و تحملی
وجوش و خروشی بی مثیل عد ایدیلن ترك عسکرینه
ستایشلر ابدال اولمقده ایدی . « داوید اورکهدات » رمزك
« شرق روحی » عنوانلی اثرینی تحریر و نشر خصوصنده
کوستردیکی شوق و وجدی بن بك کوزل تقدیر ایدرم .
التمش سنه لك برمدت شبهه سز بك قیصه بر مرحله
تاریخیه در . مع مافیه اوزمانك عرض ایتدیکی منظره
وقایع اخیره ایله مقایسه ایدنجه جهانك حیرت و تقدیر

فاتحك خطاسنی بعض اخلافی دها قبا برشکلده تکرار
ایتدی . بوکون زیر تحکمنده حقوق و حیثیت ملیه مزك
قیوراندینی امتیازات اجنبیه نك هر بری ، غالبیتمزله نتیجه نمش
اولان بر حربك یادکار نکبتیدر . دینه بیلیرکه بزی ظفرله
هزیمت عین فلا کته دوچار ایتدی . اوروپانك غرب
جنوبنده منقرض اولان بر اسلام حکومتك صوك انقراض
ذی حیاتی آراسنده ترك دین ایتیلر فرونلرده دیری دیری
یاقلبرکن ، شرق جنوبنده برلشمك ایستین بز ، مغلوبلر مزه
(زکاة ظفر) نام مستعاری آلتنده (جزیه غفلت) اعطا
ایتدك . بوکون او غفلتك جزاسنی چکیورز . آدریاتیک
دکزندن بصره کورفرینه قدر بر وطن مشترک ، بر امل
مشترک ، برغایه مشترکه خیالی تأسیس ایدمه میشمزك سببی
او عجیب مروتمندلکار مزدر . بز شعر امزك ،

مظفر وقت فرصته عدودن انتقام آلاز

مروتمند اولان ناکامی دشمنله کام آلاز .

کبی بارلاق سوزلرینی سیاسیات عمومیه مزده بیله دستور
حرکات اتخاذ ایتدك . شخصاً نه قدر مروتمند اولدیغیمزی
بیلیم . فقط سیاسی مروتمندلکار مز بزی وطنمزده بیله
غرب و بیکیس بر اقدی .

بالخاصه صوك اوچ درت آیدن بری وجدانمی یاقان
اضطراباته بویله بر وسیله حسب حال و تخفف احضار
ایتدیکی چون محب نجیم جلال نوری بکه تشکر ایدرم .
بو سطرلر او شکرانی اعلان ایچون یازلدی . یوقسه
(مقدرات تاریخیه) بنم بك عاجزانه اولان تقدیر و انتقاد مدن
مستغنی در .